

ANG SIMPLE NGA PLANO SA KALUWASAN SA DIYOS

Pasiuna

I John 5:13 Kining mga butanga gisulat ko kaninyo nga nanagpanoo sa ngalan sa Anak sa Dios, aron mahibaloan ninyo nga nakadawat kamo sa kinabuhi nga walay katapusan.

1. Makasasala kitang tanan!

Isaiah 50:10 Kinsa ba ang anaa sa taliwala ninyo nga nagakahadlok kang Jehova, nga nagatuman sa tingog sa iyang alagad? siya nga nagalakaw sa kangitngitan, ug walay kahayag, pasaliga siya sa ngalan ni Jehova, ug patugyana diha sa iyang Dios.

Isaiah 53:6 Kitang tanan sama sa mga carnero nanghisalaag; ang tagsatagsa kanato misimang sa iyang kaugalingon nga dalan; ug gibutang ni Jehova diha kaniya ang kasal-anan nato nga tanan.

Isaiah 64:6 Kay kami nga tanan nangahimo nga ingon sa usa nga mahugaw, ug ang tanan namo nga pagkamatarung ingon sa usa ka saput nga nahugawan; ug kaming tanan mangalaya ingon sa usa ka dahon; ug ang among mga kasal-anan, sama sa hangin, nagapalid kanamo.

2. Adunay kabayaran ang sala!

Isaiah 55:6-7 Pangitaa ninyo si Jehova samtang siya hikaplagnan pa; sangpita ninyo siya samtang anaa pa siya sa duol: Pabiyai sa dautan ang iyang dalan, ug sa tawo nga dili matarung ang iyang mga hunahuna; ug pabalika siya kang Jehova, ug siya malooy kaniya; ug sa atong Dios, kay siya mopasaylo sa madagayaon gayud.

Luke 16:15 Ug siya miingon kanila: Kamo mao ang mga nagapakamatarung sa inyong kaugalingon sa atubangan sa mga tawo; apan ang Dios nakaila sa inyong mga kasingkasing; kay ang ginapahitaas sa mga tawo, kangil-aran sa atubangan sa Dios.



May kabayaran ang sala!

3. Si Hesus namatay ug gibayaran ang atong mga sala sa krus!

Isaiah 53:4-7 Sa pagkamatuod gipas-an niya ang atong kasakitan, ug gipas-an niya ang atong mga kasub-anan; apan siya giila nato nga binunalan, hinampak sa Dios, ug sinakit. Apan siya ginasamaran tungod sa atong kalapasan, siya napangos tungod sa atong mga kasal-anan; ang silot sa atong pakigdait diha sa ibabaw niya; ug tungod sa iyang mga labod kita nangaayo. Kitang tanan sama sa mga carnero nanghisalaag; ang tagsatagsa kanato misimang sa iyang kaugalingon nga dalan; ug gibutang ni Jehova diha kaniya ang kasal-anan nato nga tanan. Siya gidaugdaug, apan sa diha nga siya gisakit, wala niya bukha ang iyang baba; ingon sa usa ka nating carnero nga ginadala ngadto sa ihawan, ug ingon sa usa ka carnero nga naamang sa atubangan sa iyang mga maggugunting, mao usab wala niya bukha ang iyang baba.

4. Kinahanglan ibutang nato ang pagtoo ug pagsalig kang Hesus lamang!

Isaiah 50:10 Kinsa ba ang anaa sa taliwala ninyo nga nagakahadlok kang Jehova, nga nagatuman sa tingog sa iyang alagad? siya nga nagalakaw sa kangitngitan, ug walay kahayag, pasaliga siya sa ngalan ni Jehova, ug patugyana diha sa iyang Dios.

Isaiah 1:18 Umari kamo karon, ug usahan ta paghusay, nag-ingon si Jehova; bisan pa ang inyong mga sala mapula, sila pagapution ingon sa nieve; bisan pa sila lubos mapula, sila mahimong sama sa maputing balhibo sa carnero.

Romans 10:9-10,13 Kay kong igasugid mo sa imong baba si Jesus ingon nga Ginoo, ug motoo ka sa imong kasingkasing nga ang Dios nagbanhaw kaniya gikan sa mga minatay, mamaluwas ikaw. Kay uban sa kasingkasing ang tawo mitoo ngadto sa pagkamatarung; ug uban sa baba may pagsugid nga ginabuhat ngadto sa kaluwasan. Kay bisan kinsa nga magatawag sa ngalan sa Ginoo, mamaluwas siya.



Kung buot ikaw nga modawat kang Kristo Hesus nga imong Manluluwas, ania ang alampoon. Ang pag ampo niini o bisan unsa man nga alampoon dili makaluwas kanimo. Ang pagsalig lamang kang Hesuskristo ang makahatag ug kapasayloan sa sala. Kini nga pag ampo mao ang simple nga pamaagi para nimo masugid ang imong pagtoo kaniya ug pagpasalamat kaniya sa paghatag kanimo sa kapasayloan.

"Ginoo,

Ako nasayod nga ako nakasala batok kanimo ug angayan nga pagasilutan sa impierno. Apan gikuha ni HesuKristo ang silot nga para kanako ug pinaagi sa pagtoo kaniya ako makabaton ug kapasayloan. Gibutang ko diha kanimo ang pagsalig para sa akong kaluwasan. Nagahinuksol ako sa akong mga sala ug ako nagahangyo sa imong pagpasaylo kanako. Amen!"